







S. VIII. 33.

44

Epicedia
MEMORIÆ.
REVERENDI, HUMANIS:
Et doctiss: viri

DN. M. PAVLI
SCHERTZII, ANI-
MARUM PASTORIS SE-
DINI ad D. JACOBI Per annos
jamjam 6. fidelissimi, Viri vene-
randi & emeriti denati pie & pla-
cide anno ætatis 40. & Mens.

II. Consecrata.

A suis Et amicis Et hactenus quasi
clientibus.

ANNO

En fortis D V X es Christe benigne MeVs.

STETINI, Typis Andrea Kelneri. A.D. 1623.

Magister Paulus Schereius
Pastor Stetinensis,

anagapetis 1700

Lasse petis sortem: Cur?
Pastus sanguine Christi.

Ad defunctum

Curis lassē petis sortem meliore notatam
pollice, dum mundi deteriora fugis,
Deteriora fugis: cur? pastus sanguine Christi
tendis ad Elysiae regna beata plagæ.

Ultimum honorem contestando
Affini & Compatri suo
dilectiss. F.

JOACHIMUS JORDANUS
Poëta Cæsareus, in Scabinatu Pri-
mislav: Adfessor & Secre-
tarius.

Elegi

Elegia super Textum à defuncto, piæ memorię
in concionem selectum ex Psal.
116. v. 12. & seqq:

¶

Uando quis in mundum venit, de Matre dolore
Natus, tunc misereſt, & dolor ipſe venit.
Nascitur ærumnis: Ærumnis labitur idem:
Ærumnas mediā vitā habet ipſe suā.
Nam licet interdum ſint gaudia mixta dolori:
Hoc tamen IN T E R D U M tristia multa facit
Sed fors quæratur: Mortali tristibus omni,
Subjecto quænam tunc ineunda via?
Hoc docet in dicto divino ex corde petito
Defunctus Psaltes, qui modò vivus erit.
Vivus erit, ſi verba pio jam pectore volvam,
Siq; canam æterni carmina lata poli.
Luge Musa prius, post gaude Musa vicissim
Sancta Trias luctus, gaudia noſtra para.
Inſit Psalmographus: *Domino quid reddere poſſim*
Munere pro vario miſero exhibito?
In Nos Jōva bonus confert benefacta benigne
Sic omnis dicat: *Reddere quid valeam?*
Conſervat nos maternō ſub corde latentes:
Ergo canat quisquis: *Reddere quid valeam?*
Ducit de angustis Augusta in climata Mundi,
Inde omnis quærat: *Reddere quid valeam?*
Nutrit nos pueros clemens, nutritq; puellas:
Sic quiſis dicat: *Reddere quid valeam?*

Arti-

Artibus informat nos flore ætatis ineptos:

Hinc quivis quærat: Reddere quid valeam?

Ad cœlum tollit modò, mox detrudit ad orcum.

Semper dicendum: Reddere quid valeam?

Nos modò honore beat, cruce mox castigat atroci

Semper quærendum: Reddere quid valeam?

Divitias donat, paupertatemq; reportat

Semper clamandum: Reddere quid valeam?

Laudem concedit, sed contemptum simul addit,

Hæc quisquis repeatat: Reddere quid valeam?

Jam vitam servat, jam mortem imponit amaram;

Semper sic dicas: Reddere quid valeam?

Hæc benefacta DEI sequitur Retributio nostra,

Quæ duo debemus reddere vota DEO.

Debemus votum calicis, votumq; perennis

Laudis Jehovæ reddere pro exhibito.

Accipiat quisquis calicem potumq; salutum,

Retribuatq; suâ munera morte DEO.

Mors hæc non damni mors est, sed fata salutis:

Namq; calix Domini suaviter ebibitur.

Præcipue à sanctis, quorum preciosa Jehovæ

Conspectu in claro mors habeatur atrox,

Sunt etenim servi Domini; sic vincula servum

Solvit morte, veliens cælica ad astra sua.

Filioli quoq; sunt ancillæ: Filius ergo

Eripitur quivis, advehiturq; DEO!

Ergo calix Domini quid amarus: nec sit amœnus.

Pectoribus sanctis? Ecce salutis erit:

Vota deinde DEO laudis persolvere debet

Servus Jehovæ Filiolusq; DEI.

Hic

Hic & in æternum medio sanctumq; piuumq;

In requie æterna, sedeq; perpetuâ.

Atria Jehovæ flagrant ardentq; piorum

Perfectum numerum, quò celebrant Dominum.

Sic celebrate viri sancti, quos avocat illuc

Mors suavis: nomen vos celebrate DEI.

Tριθεσις.

Inter quos cùm sit jam SCHERTZIUS, æqua requirunt.

Iusta, elegia mea ut transferat huc & eum.

Mi SCHERTZI, merito quem nomine adorno parentis,

Quid reddas Domino? sermo tuus fuerat.

Quotidiè, præsente tuò, tua verba, Lehmannò,

Sic fuerant: Domino reddere quid valeam?

Nam benefacta DEUS largissima contulit in me:

Pauper enim fueram, jam mihi divitiae.

Ingenio dives, dives donisq; canendi

Coram plebe pia verba sacrata DEI.

Dives eras fidei, plenus virtutibus, unquam

Gignere quas solita est ipsa sacrata Fides.

Inde sequebatur benedictio diva Jehovæ

Te probatum conjux, te probatum soboles.

Immò divitiae variae: sic sapè cirasti

Hoc verbum: Domino reddere quid valeam?

Ærumnis quoq; plenus eras plenusq; dolore,

Hæc spernens, dixi: Reddere quid valeam?

Audivi hæc lacrymans, charo lacrymantem parentem,

Ac simul expectans, quid sibi subjiceret.

Subjecit: Calicem Domini potabo salutis,

Pro cunctis reddam votaq; laudis ei.

A 3

Hæc

Hæc velut optasti, sic factum. Sede fruere
Ergo cælesti SERVE FIDE LIS ibi.

Filialis Condolentia ergo

IOHANNES LEHMANNUS P. L.
Cas: Philos: & Theol studiosus.

ALIUD.

Schertzius occubuit, Sedini gemma, fidelis
Custos, divini pastor itemq; gregis.
Occubuit, dico: nihil insoliti accidit, imò
Occubitu mortis nemo Carere potest.
Hoc tamen haud adeò solitum est quod

(Schertzius ipso)

Mortis in occubitu non tamen occubuit.
Annon occubuit? Non, non. Sic spiritus instat;
Hic oculo fidei, non oculo esto fides.
Nonne fuit Paulus, Pauli vestigia. Calcans?
Qui fecit miris multa stupenda modis;
Qui tuba plena Dei, non noti plena furoris,
Ac quog; inexhausti vas sine labe boni.
Omnia dum placuit traducere tempora vita
In sacris scriptis erudiendo rudes.
Num tu, qui Christi carne est & sanguine pastus,
Dixeris, eterno hunc occubuisse obitu?
Nonne illum, docuit qui scandere sidera cœli,
In Cœlo, ut Cœli sidus, inesse putes?
Hac agram in mentem veniant ibi Schertzia proles,
Ille parens vester morie obitæ haud obiit.

Sed

Sed valet & vivit (sedeat fiducia menti)
Tam sibi, quam Domino rite superstes agit.
Hic ipse his vestris oculis spectabitur olim,
Cum novus unanimum in schema redibit homo.
Quam pulchros tum oculos, licet hic in morte gravatos,
Quam pulchras referet, jam sine luce, genas?
Quos dabit amplexus tibi? quos de morte triumphos
Ducet? quod quoque jubila blanda dabit
Schertzius ille tuus, nunc Cœli gemma, beatus
Angelici socius, frater itemq; gregis?

Moris, amoris & honoris ergo, summiq; doloris
Contestandi gratia subiecit
MICHAEL MINTIUS, Plaensis Marchicus
Defuncti liberorum præ:

ALIUD:

EPIGRAMMA introducens Maritam viduam
lugentem & Maritum solantem.

 Heū quid faciam misera & tam sola relicta? Vid:
Ah! Ah! quid faciam tristis ego Vidua?
Angunt curarum rapidi mea pectora fluctus,
Jubila leta cadunt, trista corda premunt;
Cum lacrymis surgo, lacrymis quoq; reppeto lectum,
Suntq; meus, lacryma nocte dieq; cibus.
Perpetuus lyctus tremefactos occupat artus,
Et membris lassis vix datur ulla quies.
Ah! Ah! quid faciam? sum tota dolore gravata:
Namq; pium rapuit mors inopina Virum.

Mar:

Hem quid tristaris, lugubres abijce curas;
Schertzius hicce tuus gaudet ovatq; polo.
An nescis Conjunx, cunctis semel esse statutum
Morte mori, & metam cuilibet esse suam?
Transivere patres; & vos transibitis omnes;
In Cælo patriam, qui, bene transit habet.
An nescis, Jhovam Viduarum dicier alium
Patronum, dextrâ qui regit atq; tegit?
Illas qui nutrit, servatq; geritq; fidelem
Illarum curam, providus ut Dominus.
An nescis, cunctos nos esse ex pulvere cretos?
In quem dissolvi cogitur omnis homo.
Ah! hæc vita quid est, (hæc si modò vita vocanda est,)
Cor crucians certè nil nisi cura, labor.
Annon Turca furit, Cossacus corpora sternit,
Vndiq; tecta ruunt, undiq; regnat ēgus?
Ergo, quid duro miserum cor percutis æstu?
Mors mea non mors est, sed pia vita mihi.
O latum lethum, quô sum subductus ad astra,
Hic mihi lata quies, hîc {mihi lata salus;
Iubila lata mihi, mihi jam quoq; lata Corona,
Tristeq; sic lethum tristia lata facit.
Per latum lethum letam te ducat Jova
Gaudia ad hæc, leto pectore, lata, precor.
Temporis interea Conjunx mea chara valeto,
Elisabetha vale, filia chara vale.
Vosq; mei natî Pauli atq; Ernesti Valete;
Nec non Sedini Concio sancta Vale.

In ultimum optimi sui fautoris ac ἐνεργέτου
honorem apponebat.
CHRISTIANUS, JAHNUS Primislavensis
Marchicus



921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

